



07187

月會約



光緒丙戌十月嘉惠堂上版

月會約

武林巖武順著

文苑約

竊惟不易得者良友最難聞者好言願勝理每自談
生深懷亦從迹見相思空說何如面接爲親獨坐微
研豈若耳提更快所謂三秋如隔一夕足多非虛語
也倘情闊則蒙生彼此或有不與聞之事而緒遠必
他績心口遂有不及吐之詞卽匪涉斯亦慮及憶
昔兆聞兄一日虛緘意如失物連朝阻跡譬若無膚
且對必經時言必及義縱攢眉寂寂鬱顏亦自可親

月會約

一

或抵掌翩翩醉語猶堪作式惜乎喪吾儕之領袖失
後輩之典刑也比者各按起居不免離索晤因冗斂
集以貧稀必公聚始俱而私懼不再每相視而散旣
如水中偶值之魚或趁隊而譁復似野外忽羣之鹿
我輩業已若是子孫更當何如向子將兄有意振衰
欲以一月一會第諸君無人創首不知何日何年今
長至後偶集文似堂祇我同盟空諸別侶都無應酬
之態遂極家人之懽就此初緣可理舊議願從茲以
往皆不速而來豈似借他人酒杯政爾親自家骨肉
方且賞文析義可延益于神明卽使撰杖酬觥亦抒

情于晤覲曾記家印持兄有云我輩一月內晤言之
日多則八九少僅二三縱都至白頭計一生相聚亦
不過數年耳言之增感述以助情知有同心定能如
約約如左
漫約既恐鼓衰而成渝決期又慮囊羞而湊冗今就
六齋隨卜一日定而不執寬而有程或後或前自籌
消息且遲且速共酌閒忙庶垂老可遵竊比真率之
會而持齋不破猶在蓮社之風

通序

月會約

二

迭爲賓主莫如兄弟人共四姓會作九班三鄒三會
三嚴三會三聞并識西共三會相間而舉相續不斷
政于迹有往來更見心無人我且使母妻各熟其馨
咳亦令童僕交致其慇勤

簡牕

此會唯取團樂非誇餽飢素猶愧飽芹菹并蕝鮮難
回清乃生狂米汁與菜根偏稱品毋踰六飲可二參
樂在疏水之中老我薑桂之性如其瓶罄不妨濁酒
半壺倘爾廚寒自可清鹽數粒誠一觴一詠澹而忘
歸卽三白三毛戲不爲虐

聚首之樂既暢羣居之戒可虞要以究性爲先不則
五倫當晰又以文會爲切不則六藝可遊一月豈無
可見之功同學應有弗如之歎必阿蒙非昔始無慚
刮目相看倘聖質如初亦何貴開口而笑是日各稽
功過明示勸懲設有懿聞佳口可命穎容楮生
入燕彰禁亦本家生與益水更下冬文翅萬眾
非徒卜夜之飲宜爲竟日之歡留連應勝于陳遵需
緩莫同于莊賈縱有事如蝟且讓今朝欲相爭如虎
請俟異日毋以雌黃爲月旦毋以穢雜爲風流恐子
弟輩錯認定盤針悞捉談塵柄因爲設禁幸勿踰閑
犯者隨納放生銀五分輕則立飲悶氣酒三爵

隄流

月會約

三

人無別客庖在本家主興忽生或可多方跌蕩眾期
已定必無他故遊移惟是同調適逢不妨闌入莫謂
世情當了卽此邀來蓋規便而強難事將不繼倘增
外而減內神必不全誠簡則易從專乃可久非墮行
于孤示人以隘也

往見忍公月會之語心竊善之以爲行葦伐木之誼

李流芳 長蘅

備見於此意欲傲而行之湖上兄弟參辰相思雖在
五百里外而氣類之感天涯比鄰聞聲相思酌酒如
對且喜今年余來湖上夏秋之交兩與茲會飲食行
衍言笑晏晏覲面之得深於所期會余留連山中荏
苒冬令浹旬以來良晤疏曠言念茲會亦復屆期諸
君里閭之集來往無時而余萍海之蹤交臂可惜與
爲別後無益之思何如只今相對之樂乾餼以愆雖
非所任伊蒲之供我亦能設是用整假名山之靈權
爲一日之主若溷乃公於城市之內我實不堪將置
公等于泉石之間定復不惡已從孟陽乞斗酒命平

月會約

四

頭治蔬菽期以廿有三日會於靈鷲之祇園精舍便
當襍被而來且爲卜夜之舉蓮峯紅葉尙未隨風响
嶼清音真堪送日人地相得自昔爲難便可寫之丹
青傳之歌詠用作千古美談豈徒一時勝事而已某
不至與後至之罰一如會中律令余不敢干

啟

嚴武順

曩者順以婚嫁未畢繼因貧病相連遂愆月會之期
竟成日遠之隔罪真莫贖情或可原每聞鳴雁之嘹
嘹益重負痾之喀喀歲旣云莫盥豈容寒茲大兄喜
陽回于長至且四兄惜將別于隆冬况渡姪禮始三

加是五六人中忽又添一冠者雖弟與無救識西愁
無七發然團樂坐上何妨著幾病夫顧此新踪應修
舊好訂期明日願撥他緣

又啟

嚴武順

順因租事久作鄉人言歸歲終遂避月會然猶餘齋
日可訂歡期雖在百忙之中應偷一夕之暇特期詰
旦共集敝廬或難晝來不妨夜話快茲小盡堪爲口
歲之歡恍若新正先作賀節之飲請看隔日便是明
年今人已非昔人月會將成歲會願賜憐允勿怪慢
期

月會約

五

重訂啟

聞啟祥 子將

人生臭味莫過道德性命山水文章而二三兄弟兼
之無生不同時之慨有望衡對宇之樂嵇生命駕旣
爾徒勞陶令移居亦爲多事豈日人作之合實與天
假其緣吾非處此可謂幸矣顧邇來神情雖密踪跡
常疏見面比之河清投足概之漢廣縱衣裾偶撇祗
倏來倏去殘少從容或酒杯暫交亦人笑人啼無關
神理遂使形神有不親之歎爾我多未盡之懷蒹葭
白露之感空盈屋梁落月之思徒切良以世緣未斷
交際如雨點之多俗氣不除周旋類繭絲之縛來無

不往報或後施戚每見原疏恆獲罪既有所煎迫於
彼自不遑優游於此日不暇給神不偕來蓋勢乃使
然非情之得已也獨念歲月易道同人難值以真精
神委之輪蹄竿尺洵矣堪嗟以好兄弟付之南北東
西誠哉可惜老親在止幼累紛然卽不能如沮溺耦
耕山邱無功子長永依河渚乃襟情曲室之詠風雨
對牀之眠曾爲歡之幾何亦棄置而不問是何心哉
良足歎也昔有月會行之數年寒暑不愆少長咸集
上之講道論德旣足祛練神明次亦詠月嘲風不失
流連光景每多玄契閒一火攻心本無他劉四罵人

月會約

六

不恨意誠不可阿萬裂眼何妨忘懷竊比家人有爭

愈見君子嚴

忍長
公李蘅

作疏輝映後先譚友黃子介賦詩

流傳遠邇真千古之快事一時之美談何意今茲遂
成廢閣念初會者爲吾弟子與則已宿草芊芊慨預
會者有老友季和亦復徽音邈邈顧此萍飄電散彌
覺貪會惜離且君輩固多鳳麟吾家亦有豚犬要使
漸聆罄咳知父事之有人熟睹典型識師墓之攸寄
此固諸兄弟之夙念尤不肖祥之私衷也第按月一
行不無少費攻苦者或嫌期會太逼空乏者或慮供
億稍煩毋已易以季終佐之薄分庶眾擎斯易舉亦

期簡則必遵若吾輩老兄弟則仍一月一會各攜肴
三器酒一壺祇博竟夕團欒無須終日只是家常茶
飯不廢一錢人移依約而來會必盡歡而罷此外若
眞興偶到莫嫌夜月頻呼至期倘良友忽逢何惜明
燈共對勿拘成例一任便宜惟諸兄弟三復此言諱
思夙誼勉旃自勗指曠日以爲盟毋或相忘視息壤
之在彼謹啟

正益齋文以素情傲自剛望雙泉飛舉
近又又啟會日以益源開講餘文傲人嚴武順
月會自仲錫兄正月舉行之後便爾廢閣蓋因世兄
振起者旣在居憂大兄值期者又當侍疾遂浸而踰

月會約

七

季倏已半年嗟去日之如流悟爲歡之及早順擬越
雁行之次敢云弟可先兄陳魚麗之章誰謂人將去
我又向者肴日以盛恐開難繼之端人來何遲覺鮮
有親之益茲五筮猶充以素請始自隗望雙鳧無逮
於脯約章如漢謹啟

日以益源開講餘文傲人嚴武順

近又又啟會日以益源開講餘文傲人嚴武順

月會自仲錫兄正月舉行之後便爾廢閣蓋因世兄

振起者旣在居憂大兄值期者又當侍疾遂浸而踰

季倏已半年嗟去日之如流悟爲歡之及早順擬越

余攜姪修甫立誠從沈輔之映鈐吳筠軒兆麟盛愷
庭元秦澹如細業王小鐵堃王琳齋景彝諸丈應敏
齋寶時胡月樵鳳丹李黼堂桓龔幼安嘉雋戴少梅
燮元夏薪卿曾傳宗嘯吾山江秋珊順詒張子虞預
高白叔雲麟邊竹潭保樞吳子脩慶坻諸公月舉鐵
華吟社至今已六十餘集因刊武林怡老會詩集西
湖八社詩帖以追勝韻此月會約亦勝國遺老觴詠
故事也張卿子先生衰晚編有無勅席上出李長蘅
所畫月會圖詩云月會湖山跡已湮傳來醉墨尙清
眞欲詢好事憑誰說喜獨畱翁卷上人知當時尙有

月會約

八

月會圖也惜無從得見耳數年來沈秦王吳盛五老
夏江宗三君先後歸道山雖社跡未湮好事足說人
琴之感詎能已耶光緒丁亥清明是約刊成特書簡
後松生丁丙

高白外雲麟邊竹潭保樞吳子脩慶坻諸公月舉鐵
華吟社至今已六十餘集因刊武林怡老會詩集西
湖八社詩帖以追勝韻此月會約亦勝國遺老觴詠
故事也張卿子先生衰晚編有無勅席上出李長蘅
所畫月會圖詩云月會湖山跡已湮傳來醉墨尙清
眞欲詢好事憑誰說喜獨畱翁卷上人知當時尙有

讀書不土約



光緒丙戌十有二月
平湖徐惟琨署檢

讀書社約

武林丁奇遇著

社曷不以文命而以讀書命子輿氏所稱文會正讀書也今人止以操觚爲會是猶獵社田而忘簡賦食社飯而忘黍盛本之不治其能興乎吾黨二三士既有社以示眾矣苟美賦不興將於吾黨問焉其何辭之有董子讀書不窺園幼安讀書席著膝處穿二子者一爲兩漢之精兵一爲儉歲之嘉穀願吾黨效之有以應世也故特結爲讀書之社今當申約二三士其明聽焉約曰一定讀書之志記曰宵雅肄三官其

讀書社約

一

始也古人之志明在事君但徒懷貪慕非爲有志今須如求饗殮毋或暫忘如守菑畚毋爲虛望廂月築聲溪璜自出中有潛通之者吾黨勗之二嚴讀書之功記曰入學鼓篋孫其業也每日晨興當念此語宛如樂正授數司成待說凡進一篇須義事辭三者應口在心方可釋手不得託言大意徒存恍惚日須有計月須有要可聽稽查不得隨意逍遙散亂無帙三徵讀書之言有實者必有文若筆枯心澁漫言長卿制作語艱意僻自待桓譚賞鑒二者不獨違時於已何當卽不必七步倚馬要使風簷閒適卽不必諧聲

俳偶要與人意相通今有刻燭之罰載簡之筆當共
策成四治讀書之心治業不治心譬彼莠田嘉苗難
立世路維莠奪我書苗絕世之根在節與澹節高神
表古人來儀欲澹意明心珠自現此羣書之府文采
之源也故願吾黨爲人不可一步踏入世中亦不可
令世口一點漏入身中要其大端曰養節氣審心地
凡在社中互相攻治二三士其旣聽矣乃更申曰自
盟之後守此四章羣居索處毋異其心始於今日終
於終身

讀書社約

二

敬啟吾黨以文章之業媚茲山川不能隔入耳目矣
光華相起氣若吹蘭歲月漸深味如食蔗然同聲之
應雖親麗澤之功未至品目徒高恐成馳騫形神自
顧懼就蹉跎不惟德業可慚亦復因緣可惜茲特結
爲讀書之社志在同升功期合砥月相計曰歲各觀
成冊篇落紙必共披吟一書發篋必通譚論蓋力以
眾而愈盛意以競而日新精神所聚定生異寶則山
川當護此社矣若此庶幾生不虛同想亦世所藉慰
敢請斯盟幸報使者

讀書社約終

附錄

蕭伯玉文集一則

泰和蕭伯玉士瑋讀書社文序略云山之致在煙嵐無嵐則枯水之致在淪漪無漪則腐文之致在氣韻無韻則死文之有韻如山之自嵐水之自波舉吾之所挾以爲至貴至妙一無所託而後自然之韻乃出焉故爲文而託之情託之理託之才託之識與學自詫以爲奇而人亦爭以奇歸之吾未嘗過而問焉何也凡名生於不及者故過五者有一於此此皆不及之言也蘇子瞻云觀士人畫如閱天下馬取其意氣

讀書社約

三

所到乃若畫工往往只取鞭策皮毛槽櫪芻秣無一點俊發看數尺許便欲倦夫文有所挾以爲長人所得而知者此皆鞭策槽櫪類也至意氣所到一點俊發天韻獨出正可鼻參不容目飽廣陵散於今絕矣予至武林聞子將出讀書社諸君子文與予視之脫口落墨不墮毫楮獨留一種天然秀逸之韻倏忽往來撲人眉端如山嵐水波風煙出入年來文章之道蕉鹿之爭紛紛未已爲士師者良亦獨難子將以一世沈濁不可以莊語遺物離人而游於獨前有高岸後有深谷泠泠然如此既立而已矣子將固善移

諸君之情矣

東城雜記一則

杭州明季先有讀書社倡自閩孝廉子將啟祥張文學天生元馮公子千秋延年暨嚴印持調御忍公武順無敕救後乃合於吳中復社子將中萬歷壬子鄉試天啟壬戌與嘉定李長蘅流芳同上公車聞警報踵至未及國門而返著有自娛齋集千秋爲具區祭酒之孫祭酒秀水人娶於武林沈氏遂家焉愛西湖之勝築快雪堂湖上千秋因入籍錢塘中崇禎己卯副榜貢入太學歸隱秋月庵有煮鶴臺秋月庵臺三

讀書社約

四

嚴自餘杭家錢塘高隱不出兄弟有作朋集天生工書法遺文多散逸東里有報國院在慶春門城隅舊爲香林廨院天啟初重建仁和錢宮贊謙之受益碑記云余與閩子將嚴印持諸公結社其中卽讀書社舊地也復社名流數丁陽九標榜太盛嬰馬阮之怒幾罹黨禍而數君子蟬蛻自全龍潛不見多以山水禪喜爲託比之中屠蟠郭林宗有足多者焉碑有不野而望超不由而聞寂二語狀境殊勝

郭西小志一則

丁奇週字孟嘉仁和人明季諸生家吳山竹林堂與

三嚴二馮結讀書社以奇遇爲祭酒其爲詩喜太白
長吉嘗云太白詩豪也學者易入於恠詭亦詩病也
聞者以爲知言一日乘舟過餘杭忽聞雷霆聲問左
右無聞者視其耳已裂血殷白衣矣遂卒族弟國元
字幼筠處士也言其兄苦吟事每爲之流涕云



讀書社約

五

字悅餘國士母官其只苦但離感誠之術戰云
香雅間香顯其耳與與血殷白矣矣遂卒然弟國元
聞者以爲知言一日乘舟過餘杭忽聞雷霆聲問左
長吉嘗云太白詩豪也學者易入於恠詭亦詩病也
聞者以爲知言一日乘舟過餘杭忽聞雷霆聲問左
長吉嘗云太白詩豪也學者易入於恠詭亦詩病也
聞者以爲知言一日乘舟過餘杭忽聞雷霆聲問左

西湖南宋放生池也豐碑屹立道上為眾所瞻
武林虞清題石

發蓮社



發

光緒丙戌六月錢唐
嘉惠堂丁氏付梓

發

勝蓮社約

武林虞清熙著

西湖南宋放生池也豐碑屹立道上第飛泳亭廢耳
亭以飛泳名將取山光悅鳥濠遊魚樂然異熟果成
樊籠錡釜中幾許能全卽不幸復投網罟猶冀重贖
更生便令折翮困鱗隨放隨滅託文漪而如蛻不愈
糜爛沸湯地獄乎昔有胎生之類夢乞免胎就戮彼
亦安取長生人誰無死度所期政自有限當垂絕時
幸可須臾無死輒復望救今於眾生乃云放之未必
全活遂加訕笑一何不善推類如此社友以放生來

勝蓮社約

一

或者無生可放僅僅隨喜偷自謂多費少益耶請一
思之此後至社者必攜飛泳之類來所費錢自一
銖至累鎰無量但空手如昨罰銀一錢留次會或當
日贖生旣名放生不得不稍稍綜核也社定錢湖舟
中閒詣上方池淨慈萬玉池昭慶香華池期以每月
六齋日會首傳帖醵金授典座自修供具凡會首認
定開後坐以齒繮素各爲行三寶前不必讓遠客如
是日所費世財專爲放生若動指嘉肴豐膳何不烹
魚炮鱉臠鳧煮雁乃求饜筍蒲藜藿耶此後會首視
醵法徵分銀五分辰集解維每一案設果核粉麵食

共四器器用一尺盤午齋蔬四器有副四人共之飯
至湯一甌晡時歸舟用茶食亦止四器長日用煮麪
各一甌甬以蔬四器不設果也擇一典座代設毋召
族庖庶不同異違約罰銀一錢侍者任攜幾人每一
人持米半升付典座不如式減典座銀一里舊式請
是日用樓船一如客集多加中船一其值會者出焉
勞典座銀一錢賞傳帖人一錢亦會首出傳帖先五
日發分金卽付使者使者卽付典座欲令早知人數
不浪費耳違約罰銀五分舊式凡爾春慈請

是日也會首唱言加持放生畢請各念阿彌陀佛號

勝蓮社約

二

干聲或淨坐默念毋競譚俗諦以溷淨眾念佛畢會
首供茶放生之前供茶之後稍自恣所以爾者恐諸
君攢眉去也違約罰銀一錢舊式凡爾春慈請

是日以事不至明注帖下令人持贖生之金投會首
免分金去會所近不終事而去者罰銀五分社友自
遠方來萍水相逢踪跡難問今後經過下里請先詣
大師大師使人云某在斯庶便相期舊式凡爾春慈請
罰金會首贖生明載於籍當罰不罰罰會首如其
數匿不贖生罰如數罰金卽投會首遲五日倍罰眾
議立此清規取裁自大師而淳熙操筆書焉幸鑒公

心何敢爭長

勝蓮社約終

勝蓮社約

三



小何敢爭長

附錄

募僧助放生池疏
西湖三潭是永明禪師用庫錢贖魚鳥放生之池也
始議濬築專募俗家殺生之多者以此對治使行慈
懺過而吳興潘張兩人唱議罰僧家一年殺生之金
以贖多年犯戒之過謝耳伯心以爲然致書同社乞
達郡公同社謂此輩恥於發露孰肯捐三兩六錢銀
而買酒肉僧之名者乎持示郡公郡公笑語使者如
此則杭州酒肉賤矣因欲隨施厚薄分爲三等第一
等僧行施多者是喜工之成平日不殺生者也第二

勝蓮社約

四

等僧轉募施者是望工之成平日人所服信者也第
三等少施而倦募是無意工之成僅求免罰者也僧
品至此卽非高行尙有良心下此則眞酒肉僧以前
議罰之何怨焉乃魔僧仍播前議激眾喧闐飛語阻
撓至誤金中丞遺書曲慰書旣傳示定所云隨人發
心之語并三等之說亦不行矣然發心者猶嫌於前
議也不知池王初初雲栖師發心施六十金助王豈
酒肉僧乎古心師發心留七十金助王豈酒肉僧乎
人誰不稱雲栖爲第一等僧亦誰不稱古心爲第二
等僧若天竺徑竹亭甘心讓頂首銀十兩用充池工

此雖酒肉僧吾輩尙取其發心列置三等不言自贖
犯戒之罪如俗家也多施何嫌哉諸師但肯發心多
施少施隨其力量有貧而典賣多施者有富而慳惜
少施者皆屬心量不同非關力量大小但恐工成之
後名不列於碑陰則其品可知官府據而罰於明佛
天察而罰於幽可不懼乎施金持詣三潭親付工役
正好積福湖上有何貽禍江南安得出家做家自應
受施轉施幸聽實語毋惑虛詞勝蓮社居士同疏工
西 武林放生詩序

杭禹航也禹菲飲食而杭飲食如舊事所列豈禹舊

勝蓮社約

五

事哉日吃三十丈木烹一千三百鵝東菜之外益以
西魚外濬銷金鍋而內設酒食獄東坡所以賦老饕
也饕由高陽而來老矣更數百年至今老不死爲賊
而羅漢之殺賊者因殺之伏生機焉禹有航不載歌
舞載漁唄鍋化印月之潭獄化淨居之天一以爲虞
廷一以爲樂邦一以爲小瀛洲禪者唱梵仙者唱鈞
儒者唱韶魚聽獸舞蓋天啟又一天也請被管弦薦
秋菊酌寒泉而醉東坡將饗賦化爲新賦

南谿百錄

光緒壬午孟春

鮮平署檢



八子卷樓

丁氏刊

讀虛閒大師西溪百詠有作

清瓢斷笠幾平蕪自古青山重董狐出石劫前歸舊
礎入流深處定寒跌六朝大樹推遣老南宋荒巡笑
末圖多少名園開最勝夜鍾晨露冷金鋪
自憑瘦杖注山經百里諸峯老筆青獨闢蠹雲高庾
嶺細吟龍雨大滄溟窮他松底曾飛宅辨得泉邊幾
著亭我若春來謀蠟屐載師今乘卜居停

繡水黃鼎平立甫

西溪百詠題辭

一

深亭夾溪春來鳥鳴翠舞袖今乘卜居停
嶺細吟龍雨大滄溟窮他松底曾飛宅辨得泉邊幾
著亭我若春來謀蠟屐載師今乘卜居停
末圖多少名園開最勝夜鍾晨露冷金鋪
自憑瘦杖注山經百里諸峯老筆青獨闢蠹雲高庾
嶺細吟龍雨大滄溟窮他松底曾飛宅辨得泉邊幾
著亭我若春來謀蠟屐載師今乘卜居停

欽定四庫全書總目

西溪百詠二卷

浙江巡撫探進本

明釋大善撰大善號虛閒道人其始末未詳以其詩考之蓋崇禎初人也西溪在武林西北欽賢鄉宋高宗欲都其地後卜遷鳳凰山在南渡時梵剎甚盛宋人舊有西溪百詠此復追詠古蹟每題七律一首凡百首拾遺五首又附福勝庵八詠曲水庵八詠於末

西溪百詠提要

一

劉八詠曲水庵八詠於末

龍吟鳳子春一首凡百首餘徵正首又州韻制
執焚除甚盛宋人舊有西溪百詠五首後福勝
寶聯宋高宗將潛其蹤於小豎鳳凰山在商興
其精寺之蓋崇禎初人也西溪亦在武林西溪
閱釋大善對大善謬虛閒道人其始末未詳以

西溪百詠二卷

宋本

趁安四庫全書總目

西溪百詠宋人所作始行于元世亾其姓字必宋之遺民也蓋以百題擬作五十聯一題一序自畱下仙宮東出報先佛慧西入妙淨光明東西各去二十餘里於五十里間梵刹琳宮冢祠橋渡山房別墅嶺嶠林泉奇勝全收斑斑可考詩雖不工其誌山水紀事實甚明核使稽古觀風者每有所採可作茲山一冊志畧故爲好事者珍惜之國朝天順間隱士周謨和之積百首一題僅存一章坊刻久湮唱和莫辨溪人獨能記誦傳錄不衰使先民勝事猶不至與斷碑破壁同滅没于荒煙蔓草中也則溪之人實功焉余住

西溪百詠自序

一

西溪三十年于其所詠皆足歷而月訂之惜乎陵谷時遷興廢莫紀履今溯古欣慨交心溪山泉石洵惟白雲明月爲其常主也余久欲屬和耽禪未暇今年七十謝參罷讀偶拈舊題并爲分注或卽事或懷古拾遺補闕芟俚登雅共得百首分上下卷自謂無當風雅庶幾茲山鼓吹云然考之古誌六朝五代時西溪實隱士高僧之淵藪今拾宋人所集百遺一存能無掛漏惟俟博雅君子補輯爲茲山眼目則幸甚矣崇禎庚辰重陽日虛閒道人大善書于安樂山下古

福勝庵

福勝庵 補宋人遺詩 故言于元世亾其姓字必宋之

西溪百詠目錄

金瓶梅

上卷

萬壽宮泉

葦洲

雷下

神仙宮

三橋柳

花市

福清竹院

面壁軒

潮音庵

古福勝

沙灘

蒹葭里

法華寺

資壽院

淇上草堂

泊庵

正等院

曲水庵

西溪百詠目錄

一

石人嶺

金竹庵

龍歸院

古上乘院

湧山閣

張氏園亭

觀湖嶺

望江尖

梵天山院

水月莊

清溪道院

夕照庵

長流澗

永興湖

穆塢

唐村宮

將臺鍾乳泉

輦路

石廟松

金橋柳

五廟

普甯庵

趙山寺

三園

得仙橋

章神街

東法華泉

北高峯塔

東嶽廟

泗洲退院

桃源嶺

梅花泉

佛慧寺

報先寺

下卷

長慶堂山

永興寺

自然室

安樂山橋

忠義橋

西溪百詠目錄

靈慈正廟

虎頭頭山

相思嶺

永福園林

菩提別院

董堰

朱家陡門

禁酒界碑

百丈里

楊圩

陶家廂

趙西塢墓

起菩薩庵

雞籠河

鳳嘴山

夏侯墳

雪山庵

龍歸塢

象卧山

草窗隱居

寓目軒

大崇眞寺

小福清庵

翠峯居

冷水孔

瑪瑙池

牛滑嶺

水柵

土埠溪

龍門碑

蝦蟆堦

黃山松逕

白蕩灘

大青嶺

朱橋

永樂禪庵

浩然院堂

資嚴寺水閣

寶壽寺

西溪百詠目錄

三

悟空寺

錢村妙淨寺

兜率院

橫山草堂

金蓮池

光明寺

拾遺

白雲

鑿翠軒

別天居

放山臺

幽庵

隆慶寺

半嶺

附

翠峯

水

福勝庵八詠

水

九沙松

雙澗

安樂山朝嵐

溪月

香雪徑

四顧坪

古松

遶籬萬竹

曲水庵八詠

法華秋霽

佛慧晚鐘

北峯起雲

西溪梅墅

蒹葭泛月

河水漁歌

竹林問渡

生池飼魚

西溪百詠目錄

四

曲水庵八詠

古松

遶籬萬竹

法華秋霽

佛慧晚鐘

北峯起雲

西溪梅墅

蒹葭泛月

河水漁歌

竹林問渡

生池飼魚

安樂山朝嵐

溪月

香雪徑

四顧坪

西溪百詠卷上

畱下

虛閒道人大善

著

宋建炎間高宗渡江幸西溪初欲建都于此
後卜遷錢塘江左奉旨畱下地因名焉

南轅歷亂度重關萬騎宸游單騎還細草久承回馬
路老松常伴指鞭山錢塘宮闕今潮遠安樂梅花古
雪開畱下地應傳不朽一溪千載水潺湲

神仙宮

在西溪之東安樂山前宋御書神仙宮額黃

西溪百詠卷上

一

冠干指中衰至端平間有女眞魏無瑕築室
退居於此今惟宮名存焉

安樂山前羽士宮貞篁美箭隱房櫺林泉落落穿雲
外樓觀重重入鏡中拔宅肯攜雞犬去昇仙能與聖
凡通早知此地勝蓬島何事乘鸞上碧空

三橋柳

在西溪市三橋下臨堤貼水濃陰夾道其市

塵亦覺嫵秀殊絕

綠楊夾岸兩依依覆遍虹梁風日微青葉交濃忌夏
至白花漫散識春歸人家傍樹張茆店鳥鵲乘陰刷

羽衣昔日笙歌聞載酒只今惟有鷓鴣飛

西溪一市東西兩岸民居臨水花木周廬

家戶芳菲喜不孤人烟桃李勝西湖嬌欺艷婦畱香
閣色映雲山入畫圖波裏鷗鳧浴彩影溪傍蛟蝶戲
花鬚獨憐兩岸三橋在萬綠千紅一樹無

福清竹院

在西溪市後安樂山前唐中和年間行僧性
空開山栽竹萬竿建庵於此久廢萬厯初雲
間僧桂峯重興僅五十年今又廢矣

西溪百詠卷上

二

藤蘿縈合竹叢生澹寫濃描似畫成滿院清陰篩月
色千竿翠籟入溪聲庭中桂子雲間落池上蘋花水
底明爲問廢興何歲月我年二十始知名

面壁軒

又名安樂松軒在安樂山下萬松深處人莫
能卽宋淳熙中靈隱鐵牛印禪師退院居此
萬厯間馮太史具區改作九沙堂延介山法
師居之旣而聞谷禪師亦隱此六載

僻逕窮巖草木荒半峯松色隱茆堂窗前冷秀亭亭
立屋角陰森樹樹蒼有道老僧千日定無言童子一

爐香安禪惟恐人知處不許寒蟬噪夕陽
潮音庵

在西溪市左奉觀音大士像繞庵植桂秋則
天香滿市今則匹矣
南洋大士海潮音圓應西溪秋水吟不向三春開錦
樹偏從八月放香林葉施茶肆消煩渴花散苔階布
地金丹桂今移天上種人間惟見月中陰

古福勝

在西溪安樂山下石晉天福間建至趙宋時
有僧淵本澄中興讀書好友遠寺栽梅高士

西溪百詠卷上

三

邁子山嘗題其院有野澗飄來蘭氣合家山
夢去雪標清之句故有福勝梅花之目元末
燬於兵萬厯間虛閉子結茆于此初顏溪巢
亦種梅栽竹閉戶著書三十餘年影不出山
崇禎改元重復古額

道人何事喜梅林自信交惟擇類尋鐵幹勁同禪坐
骨水花淨似寂生心德風借播寒香遠法雨分沾春
雪深明月亦憐同素潔也將皓魄照清陰

沙灘

在西溪之東一派平沙淺草溪民牧牛放馬

之處今栽梅成林種竹作圃矣

一望平原不浪沙
衰榆敗柳兩三家
紫驢青驥放秋草
白牯犂牛卧月華
公子金鞭降玉勒
牧童蘆蘆管學胡笳
雨蓑晴笠歸何處
惟見春來幾樹花

蒹葭里

在西溪東北俗名河水裏又名南漳湖一派
沙汀水瀨蘆花如雪居民多以捕魚爲業近
高僧名士蟬聯居此乃西溪最勝處

千頃蒹葭十里洲
溪居宜月更宜秋
鷗鳧棲水高僧舍
鶴鶴巢雲名士樓
薔蔔葉分飛鷺羽
荻蘆花散釣魚舟
黃橙红柿紫菱角
不羨人間萬戶侯

西溪百詠卷上

四

法華寺

在西溪之東法華山下東晉曇翼法師開山
萬麻間雲棲濟舟楫公受大師付囑復古重
建楫公濟眾爲心爲時所重茲山十八里皆
梅春時盛開惟寺前花早

十里花開萬樹新
寺梅早發歲初辰
白葩未吐猶含臘
綠萼先舒已報春
不與眾香爭雪色
獨憐瘦影間花神
眼前多少羅浮客
誰是孤山放鶴人

資壽院

在西溪東北蒹葭深處宋潼軍節度使爲資
壽巖禪師建別院于此萬厯間沈瀛洲沈思
溪延靈壽寺僧道宗一公澄之洪公重復古
蹟初署秋雪庵蓋取秋蘆作花遠近聯白耳
九月蘆庵秋雪飛入窗點破坐禪衣驚云霜霰寒何
早疑道楊花春始歸月曬滿洲連水白風吹輕絮落
船微遠看隔岸山無雪積翠翻言峯色非

淇上草堂

在蒹葭里劉孝廉雪符別業有蘿軒竹閣梅
嶼荷池四時皆可更宜初夏

西溪百詠卷上

五

溪山深處隱仙居逕轉雲橋步碧虛日氣荷香熏几
席烟光竹翠滴階除蘿軒萬綠供新茗草閣羣青擁
古書抱卷幽人隨月讀興來尋勝問樵漁

泊庵

在秋雪庵南荻葦叢中乃鄒文學孝直之莊

鄰有王文學之聲孫文學元襄李文學蟠玉

胡文學彥遠鱗次蘆洲構隱釣讀

凌波結搆泊河洲宛似仙槎蓬島遊四水噴珠臨蘓
砌千峯送翠到山樓桐陰桂影方牀月草蕩蘆花滿
鏡秋雪夜故人頻造訪門前疑是剡溪舟

正等院

在秋雪庵東萬厓初正等寺僧照空眞空結
庵於此崇禎改元其孫道徵瑞公拓庵爲院
仍復古額初題交蘆庵蓋取經云根塵識三
都無實性同於交蘆之意今庵構蘆中故名
三緣無實若交蘆今遠溪居悟得無花雪爲寒知假
熱管空作笛解虛呼屋乘漚寄波間舫心寓閒身水
上鳧庵裏主人能薦取何須參問折蘆胡

曲水庵

在正等院左崇禎元年雲棲古德賢法師朔

西溪百詠卷上

六

也基從水築非楫莫尋陟岸爲門門迎曲水
曲公集緇素結萬佛社二十餘年不輟講席社
中有笠雲籜如二公繼席開講皆泊蘆中一
居慈覺庵一住香海居

門外花溪曲曲迴擔簷頂笠接船來籬邊金錯迎霜
菊屋角香浮帶雪梅獅子窟中無野性蓮花社裏有
宗雷匡廬滴漏重傳響不是流觴集俊才

石人嶺

在西溪之東路通飛來峯嶺半有石儼如人

五立故名

獨立孤峯若有神似隨行動儼然真眼看天際望夫
子米拜山頭呼丈人瘦影肯憐雲作伴孤踪喜與鶴
爲鄰經年住此觀榮謝應笑桃花惟解春

金竹嶺

在石人嶺北穆塢南滿峯之竹皆作黃金綠

玉之色

萬竹叢峯到水涓參差清影日遲遲顏分綠玉枝偏
翠色借黃金葉亦奇蕭史引教丹鳳宿仙人曾化赤
龍騎如今暫隱寒巖下得遇風雲或有時

龍歸院

西溪百詠卷上

七

在西溪之東輦路之南萬厓中廣陵無用禪
師重建庵奉迦葉維衛及旃檀像皆摹古法
望之如生公有草亭歌有梅筍譜每俟梅花
謝後獨往觀之鄰人疑問公笑曰吾惟愛其
勁骨其徒忍仙窮子身子能繼師志

象教須憑像捉呆翻新摹古巧工裁衣飛色動真人
現眼笑眉開活佛來僧坐草亭歌白日調憐勁骨植
寒梅鰓芽猪腳皆堪譜爲誘饒人作筍媒

千木古上乘院

在西溪之東梅花塢中崇禎初郡城蓮居新

伊法師退隱居此庵有書冊藏經禪講學人
欲閱藏請益者依之故有十餘靜室附焉

萬樹松筠覆草廬千函文字寄溪居龍王藏惜宮中
寶納納披宣架上書瓦鼎生烟拈紫降磁瓶貯水插
紅葉如今禪講交參日共集花巖作蠹魚

湧山閣

在西溪之東石人嶺下乃藐山主人聽泉處

每值綠梅花開春溪水漲住此間水看花花
事畢行游嵩嶽

烟霞深鎖世情違春鳥啼門晝掩扉翠岫湧雲林外

西溪百詠卷上

八

起碧溪漱雪閣前飛瀑花帶霞迷幽逕噴霧含烟落
翠薇仙客臨流高卧聽夢隨清響入元微

張氏園亭

在西溪之南碧澗遶門白雲入室竹樓花榭

月色泉聲皆有留人之意左卽孫文學武書
之莊亦有小閣藏雲

從住青山寵辱休泉聲月色可淹畱雲堆滿室琴書
潤澗遶深林松竹幽臨水花飛三逕寂登樓月上眾
山秋繇他相印將軍鉞不及高人卧一邱

觀湖嶺

卽石人嶺登臨至頂遙望西湖如在目前
獨眺高崗四遠晴林泉極目望中清六橋柳色幾堆
綠十里湖光一片明泛泛酒船如水鳥重重樓閣若
蓬瀛看來咫尺繁華地何事虛傳天下名山勝處正

歸帆落潮宛如咫尺

在西溪之南趙西塢底登臨絕頂見錢塘江

轉轉峯腰出壑羣纜登絕頂越吳分江迴折折望非
水山遠重重看似雲帆影落崖過樹沒潮聲入浦隔
林聞不知天際寒烟起笑指爐香樹杪焚

西溪百詠卷上

九

梵天山院

在西溪之東天竺後山石人嶺下江干有梵
天寺此爲梵天退院久廢崇禎改元唐昌僧
滿月輝訪古蹟重興施孝廉明則恢復吳興
通仁居士助建

翦棘誅茆復古蹤一灣流水尚淙淙鑿池引澗栽蓮
芻刪樹開窗入鷺峯石嶺桂雷三竺月遠山潮送五
雲鐘梵天古蹟依然在石座生臺綠蘚封

水月莊

在西溪西北庵近溪流郡城水月寺僧置莊

于此故名今廢

結庵近水月常臨水月空花作觀深月影波翻圓復
碎水光蟾映起還沈鏡中桂子誰能折空裏狂花若
處尋終是田莊赴流水還畱明月照空林

清溪道院

在安樂山下唐寶厓間羽士費元真開山身
積高行南渡至此道嗣不絕

曲曲清溪逕轉賒窮源深處隱仙家三華聚鼎朝餐
柏五氣朝元暮乳霞太乙書藏元武閣藍田玉種碧
桃花一行松際紫烟起疑是先生還養砂

夕照庵

西溪百詠卷上

十

在石人嶺下晉咸和間靈隱慧理禪師退隱
于此周顯德間兵廢宋祥符間尼僧道成中
興參禪得悟萬厓初餘杭僧艮峯震公重建
臨扉夾道植雙松風雨庵前鬪老龍楓柏飛丹開夕
照薔薇亂錦織春穠出巢乳鶴家鷄哺洗鉢山童野
鹿逢日色未沈明月上益看叢桂影重重

長流澗

在西溪之東從白沙山金竹塢迢遙屈曲流
至西溪安樂橋幾遭亢旱是水皆枯獨有此

流春夏如是

泉從金竹白沙落數里迢遙曲曲西澗蟹橫行翻下
上藤花隨水逐高低千珠飛布匡廬瀑萬翠交羅罨
畫溪信得此中多隱者問源尋去白雲迷

永興湖

在西溪之東安樂山下永興寺前一泓澄碧
紅蓮綠柳映水臨隄中泛畫船溪人載酒今
半變桑田半作林園矣崇禎初翁文學伯仲
搆書閣于此左有蘭陵陸高隱元見山莊皆
與綠梅爲鄰

西溪百詠卷上

十一

晴峯飛翠映蒼茫一派平湖起碧光綠柳拂絲花騎
醉紅蓮漾錦畫船香鶯聲轉出條風亂魚影翻開荇
帶長今日我來尋舊景青霞綠雪隱雲莊

穆塢

在西溪東南姓穆者多故曰穆塢有東西二

塢塢中竹籬茅舍深澗高坡樹木營巢纍石

閑逕不復作人世觀其東穆塢最深秀處有

洪尚書洪中丞墓遊人乍至不忍言返

東塢晨炊西塢烟肩夫竈婦樂豐年供庖兼味山中
野待客重烹池上鮮鱗砌苔封鵝子石澗甘清勝兔

見泉仙鄉未許聞朝市到此方知另一天山無處不

唐村

在西溪之西村亦分二路通餘杭人皆力于

稼穡唐氏猶號素豐

路近餘杭入逕微野棠荒薺到人稀南村犬吠梅花
屋北坂雞鳴松竹扉隴下碧垂雙表秀陌頭翠壓五
桑肥男勤耕稼女勤織冬有餘糧寒有衣

將臺鍾乳泉

在西溪東北卽吳越王將臺基今爲法雨雲

公修懺之所雲公建祠奉母有廬墓之意祠

百溪百詠卷上

十二

有鍾乳泉甘冽可掬又鑿池栽蓮編籬種菊

六時灼水獻花山有餘供

昔聞將令肅天霜今日翻爲選佛場鍾乳旋烹春茗
綠軍持頻灌晚花香經行月榭夜常靜修懺雲衣夏
亦涼唯有甘泉清且遠從源流出碧溪長

輦路

卽沿山大路是宋輦轂出入之道石平如砥

花木成林四時香風道左百和

夾道香風拂袖來綠陰清影兩邊開題門村舍桃花
面攀榭名園桂子臺是塢有泉皆到水沿山無處不

栽梅春深一路紅塵起盡說看花車馬回

石廟松

在西穆塢內相傳此神爲五代石晉子孫三世隱此未詳何異遂爲一方土穀神祠前有古松大可十圍乃千年古董想其同時物也千歲孤松古社前虬枝針葉散蒼烟龍蟠待雨潛寒谷鶴舞凌雲駕洞仙雙澗鳴濤歌樂業九沙拱秀祝豐年四時義社分清籟樹下同吟秋水篇

金橋柳

在西溪市北建炎間金四將軍慣爲先鋒從

西溪百詠卷上

十三

張伯英陣亡其妻西溪人歸守祖居捐金建金橋爲夫作冥福故鄉人稱曰金四媽橋橋下垂楊獨盛

爲布虹梁弔武臣沿堤弱柳過橋春挂梢斜月偏留客啞影遊魚不畏人枝上杜鵑啼戰血葉間花絮憶閨真人橋姓字依然在忠烈千秋似隔晨

五廟

在西溪之東宋建炎間兄弟五人於國建功

立廟分五廟前皆架臺每值元夜放燈演劇五方五社幾村烟萬姓祈禳大有年南宋同功埋劍

甲西溪分福祀山川家家社酒歌堯日處處春耕喜
舜田欲問英雄昔日事請看元夜鬧燈筵

普甯庵

開元年間定慧禪師開山建庵於西溪市南
欽賢定北界蓋欲二鄉禔福故曰普甯

一院清修兩境安人情爾我佛同觀虛徐鐘磬涓風
和俯仰慈顏德化完溪瀉無含崖自損澗流多曲水
偏寬山僧說法無迎合悅可人間眾耳難

趙山寺

在西溪之東法華山西三門之前有龜兒井

西溪百詠卷上

十四

其泉清瑩水可療疾

深林古殿隱雲烟又傍青山又在田一逕松陰宜雪
月三門竹籟奏溪弦龜兒井水醞醪藥鴉子石階苔
蘚錢無事老僧閒曳杖春晴秋霽步前川

三園

西溪之北有仰家園柏家園方家園蔚樾相
望其中人民朴茂家植蔬果爲市所給市南
兔去烏來天轉車溪山草木競春華朝耕西圃三隣
菜暮種東陵五色瓜幾樹霞生桃杏熟滿林雪散李
梅花一年蔬果隨時有不是方家卽柏家

得仙橋

在龍歸塢東紹興間塢內有一朱翁不食烟火凡事預知坐於此橋倏然而化眾謂得仙去因名

昔人坐此昇仙去茲地空遺得道橋溪下白雲常漱雪樹頭清響自吟潮秋楓歲歲燒丹火春逕時時長藥苗一卷祕書畱不識至今傳誦作歌謠

一章神術

在馬池南術有章姓者力運千斤咸滄間耗

兵過溪神正春米聞兵至卽頭頂石臼手執

西溪百詠卷上

五

木椿大呼而出兵皆散去溪民無侵人皆稱

西溪得勝章相公歿後爲此方土穀神

一夫奮勇百夫當退賊功名千古揚兩座神儀尸竹

塢四時血食享雲堂祠前日照松杉冷殿角風來草木香至是傳聞英烈事令人髮豎氣軒昂

東法華泉

在法華寺東嶽廟塢內乃法華寺之別院也

相傳東晉彥翼二師隱此誦經感紅蓮潤生

清泉巖湧隆慶間有僧北山者獨棲于此萬

麻聞吳門古道法師重建皆清修孤勁之士

今惟泉池存焉

誦經虛動嘴脣皮法力神功不可思幽澗蓮生花鳥
瑞碧巖泉湧嶽龍移烟痕白鬢懷羅什翰染青山憶
月支喜得紅葉畱夏水綠梅相伴作春池

北高峯塔山

東在西溪之東馬塢絕頂唐天寶年建中藏古
佛舍利初建塔時有一花犬每隨工匠銜甃
石置塔所至領吻流血于菴榛間得試石佛
缺右耳犬即跑古寺基出耳湊合又一僧夜
坐塔下虎欲噬之忽大蛇從塔頂噴霧作雨

西溪百詠卷上

虎即吼而去

最高塔峙北峯西半影湖光半入溪頂接天門雲鶴
下腰橫霞布月星低神蛇行雨降羣獸靈犬施功醒
眾迷不是神通開像化那教愚昧肯提撕

東嶽廟

在法華山下前有著衣亭後有梳裹樓兩廊

列儀衛甚肅

七十二司威可畏兩廡隸卒色常嗔著衣亭畔冠袍
整梳裹樓頭粉黛新三月生辰桃李獻四民死忌紙
錢陳清明祭掃男攜婦都向空廊哭鬼神

泗洲退院

在西溪之南大青嶺下靈隱景德禪寺後山
松竹深處

泗洲大士現溪南青嶺盤旋好結庵出水獻珠龍帝
女臨崖合掌善財男蒼松濃暗慈雲布翠竹陰森法
雨含到此見聞常自在入流忘所不須參

桃源嶺

在西溪之東方井之南落花流水雞犬桑麻
宛如漁人問津處中有禪僧覺空隱于天竺
庵四十餘年順舟久宿伴雲居

西溪百詠卷上

七

落花流水出山清疑有秦民避世耕松逕客尋天竺
近草庵僧伴白雲橫一灣碧澗秋蟾映幾樹紅桃春
鳥鳴又恐漁郎迷舊路破雲開嶺放人行

梅花泉

在西溪之北柏家園左隱荒田亂草中泉底
旋漾雪漚似分五瓣作梅花狀味甘美如第
二泉今程士瑤其泉主人也

亂草斜灘隱碧窪自憐澄潔映明霞旋旋沙吐三潭
乳泛泛星浮五瓣花分似惠山增茗味散爲秋雨益
田家清泉也道梅花好亦向西溪競彩華

佛慧寺

門始興在壁峯山下石晉天福七年普覺明一禪師
開山寺左有白業堂碧沙泉國朝本源文達
禪師重建隆萬間有祇園泉月溪朗二法師
相繼開講席聽眾千指二師乃同母兄弟解
行圓修者一日說法時眾見天花墜于筵上
無著天親繼席開擊香捧卷遠經臺談元揮塵天花
落聽戒移山神鬼來白業堂雲古蕩霧碧沙泉雨壁
峯雷興雲布雨施甘露頓使炎人百念灰
報先寺

西溪百詠卷上

七

在佛慧寺路北按臨安府志云報先明覺寺
在溪建隆二年吳越王建洪氏西溪誌則
引諺云千年靈隱八百報先蓋唐寺也萬厯
間萬鹿園募眾重建寺有恒如禪師習天台
教四十年不出山六時修天台懺法誦法華

經六千餘部

密室潛修萬慮非三千性相總歸依漚麻鞋破經行
路瘦鶴膝穿修懺衣沐手採花童豎敬出堂換履竹
門微興叵得失人間事四十餘年靜掩扉

西溪百詠卷下

虛閒道人 大善 著

永興寺

山入山在西溪市杪安樂山下唐貞觀間悟明尊者
開山至晉天福間大章宣法師註法華經行
世諸山往來講筵不輟萬厯初馮太史延瑞
亭麟公重建太史手植綠萼梅春時盛開車

馬絡繹

溪上花開十里春寺前車馬往來頻門迎流水環籬
碧逕轉層林遶殿新斷尾螺池畱聖蹟綠英梅閣集
佳賓當年聞有談經叟今日傳衣得幾人

西溪百詠卷下

一

長慶堂

在西溪市南安樂山另生一龍類仙人舞袖
之勢五代梁眞明間呂公常建庵於山下晨
夕誦經每見祥烟滿市林和靖隱孤山時常
從鶴飛行遊於此

仙人山下隱仙君竹閣然香滿市雲滴瀝溪聲臨水
別青蒼樹色過橋分雲林常似杏壇靜宿霧還疑丹
竈焚又道孤山放鶴者頻來洞口訪遺文

西溪安樂山橋

在永興寺前安樂山下宋散聖濟顛壘石爲
之夏漲秋灌而巋然獨存又民將食螺已斷
其末顛乞放之池遂活至今螺皆無尾橋南
山頂有萬總戎墓橋北仙宮有馮太史墓皆
濟公預識也

仙書流水白雲外石壘橋題安樂名散聖識留文武
穴顛僧話墮古今明煮鰻復活火無性虛架難搖水
有情幾厯龍湫瀑布吼巋然不動若初成
自然室

在荆山灣內孤峭峯間一隱者結茅于此顏

西溪百詠卷下

二

曰自然室志高適也

茅齋獨倚冷孤岑謝絕人間集語林鐵壁山中眠傲
骨自然室內養虛心寒巖不許春光到草榻惟容月
色侵從與白雲相識久不知世上重黃金

靈慈正廟

乃西溪土穀祠昔夫婦貴糴賤糴慈濟一方
之饑臨終同穿膝坐化爲土穀神乾道中李
姓者一力建祠于市杪以鎮一市有行祠在
白蕩灘故曰正廟

松栢森森古社寒救饑夫婦減糶餐生前慈濟一方

福身後靈通萬姓安壇鎖紫關桃葉渡溪分白蕩武
陵灘跣跌一夕同蟬蛻至今千秋廟貌完

忠義橋

市上三橋惟忠義橋最大居中虹起石色光

交謝青細蓋良工巧心故與眾橋異宋孫侯所建也

城土不兄弟愷篤故名忠義來賦美遠韻人煙此論

兄忠弟義里中稱又布河梁便市民雲石合門桃浪

煖彩虹跨水化龍新三橋還道中橋勝兩岸偏言上

岸春昔日瀟風揚姓字只今誰是問橋人朝泉西首

相思嶺

西溪百詠卷下

三

在西溪之西上下唐村此嶺爲界春秋兩賽

保社中分故曰相思嶺嶺東有雙鳴泉西有

二嶺如兩龜形故又名龜拖尾嶺

靈草幽花隱谷生碧潭寒溜在山清雌雄二嶺相思

社上下雙泉合韻鳴旅鴈從來知義氣路人到此論

交情青山也道市朝險亦學泥龜拽尾行

虎頭頭山

在西溪東南西穆塢內眾山奇形異狀有一

如虎頭頭山

猛虎頭頭羣獸伏崧隆雄踞萬山朝斜峯似鶴翻雲

擁瘦石如猿捧果招巽水盤旋分嶺秀元沙廻護入
溪遙堪輿指點松杉裏中有高人久挂瓢

菩提別院

在西溪之南建炎間郡城菩提寺僧善詩能
畫終日讀書自稱泉石主人聞西溪人物清
雅故建別院于此日與溪上達士遊
別院花春溪月秋高人達士日遨遊圖書鄴架烟雲
染琴鶴支軒韻舞幽守靜盡稱擔板漢死心猶誚墮
空流惟尋泉石耽詩畫知落禪門第幾籌

永福園林

西溪百詠卷下

四

在西溪西北乃北高峯永福寺西莊有樓臺
亭榭畫棟雕欄自誇綺麗交結豪貴不喜與
貧道人往來今日皆成烏有
百花常續四時春掩映青山樓閣新彩棟雕欄爭巧
飾顏書堂畫倍精神輔周五伯羞誇富離世孤僧豈
厭貧一富一貧交可見到今俱作夢中人

朱家陡門

在西溪之北臨河居民皆朱姓耕種爲業建

陡門於河預防水旱可爲仁義之鄉

爲設陡門關上流水防春漲旱防秋月溪夜發增三

板雲開朝開放幾舟高坂豆花飛蛺蝶低池菱葉宿
鳧鷗高低得惠傳千古附禹同將姓字雷

董堰

淳熙間溪南董姓者一宗三族皆爲仕宦開

慶間共欲捐財引錢塘江水入西溪緣山麓

繞塢事竟不成但築堰布橋而已至今董家

石橋百丈之道存焉

溪南董氏盡施仁惠及禽魚德澤新築堰總收開合
水布橋爲濟往還人鳥啼不見三家墓花發空教百
丈春若使江湖溪水接我來今作海頭民

西溪百詠卷下

五

西溪百丈里

在西溪之北傍路臨溪結涼亭施茶爲往來

中憩之所

傍路臨溪構草亭龍團武火按茶經伏薑沸水祁寒
解苦茗清泉煩渴醒蟹眼鑄中數點白旗槍椀內幾
莖青松棚柳蔭生涼思到此旋教心境甯

禁酒界碑

在西溪市東宋高宗過西溪入酒肆見尊罍

有踐傭保雍肅故御書界碑曰不爲稅酒處

杏花村裏酒帘搖行伴尋香渡小橋滿架佳肴異

備幾瓶嬌艷座精標店翁含笑庖童喜仙客貪盃美
醞招能悅天顏雷御筆不爲酒稅至今朝

陶家廂

在禁酒界碑後理宗朝有陶處士隱此建水

竹居陌上有桑廂下有田夫耕婦織清高自

屢徵不起隱心堅不被人間五斗牽多種黍田陶令
醉親操井臼孟光賢黃雞催曉鳴梭後紫燕銜春力
稼先夫婦勤劬家自足有無歲歲是豐年

楊圩

西溪百詠卷下

六

楊統制宋之功臣世居錢塘兄弟和睦退歸

林下各置一圩之產在西溪北

功成名遂退林邱貴仕三朝富一疇南畝春耕兄樂

業西莊秋熟弟幽游階生蘭桂隨時秀堂奏篋墳逐

日誦兄愛弟恭妯媵睦同源九世不分流

起菩薩庵

在西溪之南淡竹坑內宋理宗寶慶三年宗

廟起禪師開建有大德行人盡稱爲菩薩庵亦

菩薩名傳慈行深手栽松桂已成陰分荷看菊營家

菩薩名傳慈行深手栽松桂已成陰分荷看菊營家

計探勝搜奇辦道心枝上烏吟無韻句階前溪奏沒
弦琴利生濟物滿天下不出山中梅竹林

趙西塢墓

在西溪之南宋光宗相趙汝愚墓森麗特甚
傳是宋朝丞相墓墓前石馬枕寒流斷橫華表松絲
掩殘剝碑文蘚字畱想見墓門楸葉暗猶聞綸誥夜
宮幽青山不擇富貧骨總葬蒿萊一聚邱

鳳嘴山

在西溪之西乃荆山之麓直飲于溪如鳳嘴

之勢故以名之今陳中丞墓于此

西溪百詠卷下

七

荆山如鳳隱天倪飲啄漚花下碧溪照水似憐鸞鏡
舞藏形疑喜竹梧棲松杉毛羽雲霞布泉籟笙簫風
雨迷境勝峯奇知有地中丞墓在翠林西

鷄籠河

在西溪之南其河如雞籠之勢乃卅小埠環

山之貨皆會于此

藤縈樹密罩河洲河埠籠鱗泊小舟岸上雞鳴茅店
曉波間魚躍荻花秋四鄉時貨雲邊發一市朝烟月
下浮水秀山明人景好客來歡喜久淹畱

雲山庵

在西溪之西

在西溪之西荆山嶺左澗佑間有僧名熙春

號雪山建庵修道有樂靜堂徧植梅花

雪山庵外雪成堆樂靜堂前幾樹開
早蕊晚花春霧染紅英綠萼曉霜催
月明借色疑天瑞澗水流香引
夢回鐵骨只宜同冷意山居都喜植寒梅

夏侯墳

在西溪之南安樂山前爲宋大臣墳前建安

樂窩自然廳

功遂生前身沒名恩榮題石墓封神虎羊伏草似威
遠冠蓋埋雲空主賓安樂窩中松影密自然廳上月

西溪百詠卷下

八

光新一灣流水千年在曾見當時富貴人

象卧山

在西溪之西上埠溪口有一山儼如象卧故

名西溪之南安樂山前爲宋大臣墳前建安

峯倒山橫似象眠降龍伏虎鼻撩天泉飛片石耳常
潤樹點層崖毛未全鼯睡風生乘夜雨脫韁葉落蹠
飛仙誰將一象分雙鼻又挂烟霞古洞前

龍歸塢

在西溪之東建炎間帝幸西溪見此塢清遠
驅馬歸之塢于是名塢內故有法華寺因改

額曰龍歸故晉稱此山名法華宋稱龍歸佛
印曾卓錫于此有禪心如照月之苔萬厓間
無用濟舟二公各于二寺舊址復古重建

一自龍歸傳口碑行人猶誦建炎詩寺分兩院皇明
盛山得雙名晉宋馳夾道梅花今日供沿堤桃杏昔
年儀溪光山色無今昔任爾春風開謝時

草窗隱居

隱者周士民乃溪之右族有山園在耕南塢
位置樓閣遂成名構堂名草窗隱居

周子溪居樂事多草窗讀史煮松蘿秋登竹閣觀明

西溪百詠卷下

九

月夏坐山池賞芰荷晴犢簷前聞鐵笛雨舟檻外見
烟蓑不巾不襪三杯後攜妾臨花唱浩歌

寓目軒

四明象山陸氏子商于西溪見土風淳厚流
寓象卧山卽于山下建軒顏曰寓目又造望

雲臺有懷二人也今唯陸家橋存焉

曾聞孝義世傳來暫寄西溪養茂才寓目思鄉顏小
扁望雲念母築高臺秋懷橘柚還瞻祖夜課經書且
教孩故國久離何忍棄喜居仁里未能回

大崇眞寺

在西溪之南按宋臨安志曰崇眞寺天福六年吳越王建西溪遠近皆歸信此寺柵橋東有小崇眞庵故曰大今二院俱興崇禎間龍門寺僧信起心一重建于溪之南溪之東昭慶寺僧我庵重建

崇眞山院碧甍峩逶逕琅玕挂翠蘿石寫紫紋瑪瑙砌豆生紅樹珊瑚柯閣中繡幙懸珠蕊殿角金鈴響玉珂莫道禪宮偏富麗應知極樂在娑婆

小福清庵

在西溪東澗橋內爲衲子養道之所又有大

西溪百詠卷下

十

福清院故曰小以別之

矮屋修籬隱澗深綠梅翠竹自成林低軒屏借蒼巖色半榻帷分叢桂陰就石打眠醒午夢因泉煮茗冷炎心三間小構千峯下淨几明窗獨理琴

翠峯居

在西溪東南趙西塢後梅花塢底宋端平間有禪僧古竺居此潛修密證誓不出山日惟看青芙蓉削成吐納日月爾崇禎初繡水佩遠居士買山重建延博山僧元穎居之

片峯斜挂碧雲飛萬壑千峯讓翠微孤峭肯容猿鶴

宿瘦峻不借雪霜肥洞深仙史藏能久山僻樵夫到
亦稀忘世高僧不出塢儔花侶鳥唱元機

青山冷水孔

在西溪之南大嶺坡下有一泉水青瑩逼人

即使熱客臨流亦當涼生胷膈

一泓清瑩冷如水嘗遍名泉見未曾色借金山猶較
勝味分惠水不虛稱洗眸一掬開矇瞶發茗三甌消
暑烝坐待月明潭底現宛如淨念定中僧

瑪瑙池

在西溪之南出百丈源清如碧靛池底皆細

西溪百詠卷下

十一

石圓繡如瑪瑙狀

臨塘芳草映寒漪傳是唐人洗馬池潭石霞生排瑪
瑙沙泉星泛吐琉璃杏花含潤波搖錦楊柳拖烟水
拂絲乘露侵晨照容鬢衰顏驚喜返童時

牛滑嶺

在西溪之南望如濃黛周山土著豐厚者多

故蔭養松竹稠密不能通步

青山險峻碧雲寒百萬松杉列壑攢隱嶺苔封牛度
滑高峯天礙鳥飛難玲瓏到處棲猿鶴毓秀滿山生
蕙蘭若向此中尋片地誅茅當下得心安

山勢水柵逾諸岳南輪輔主玄音窟巖風噴翠飛

魚石在西溪市北有柵橋乃巡稅三司設以徵商

者今惟橋存焉鱗鱗太常助饗觀財賦賦代

稅課巡司兩岸張就橋為柵捕私航弓兵頻檢東西

蔽民吏時通上下商竹嶼葉連峯疊翠桃源花落水

流香秦關漢渡名空在惟見苔封古石梁前封剝曰

上埠溪

宮幽潏在西溪西南水發源處百貨就估之所內有

故靈顯寶壽寺顯教寺浩然道院永樂禪庵皆清幽

疊嶂巖之境

西溪百詠卷下

三

叠嶂飛來百丈流綠槐青柳爨烟收水洞山勢藏村

落崖阻溪行作埠頭古洞巉峴仙境寂寂竹林森秀梵

宮幽迢遙直入千峯裏步步將丈杖履畱文祖

龍門

流香秦在西溪西南山上有寺曰龍門寺前佳勝曰

鮫貝吏石關曰魚石曰千丈巖曰四顧坪曰老龍潭

曰黿王殿曰鸚鵡石曰盤谷萬厓間秀峯律

師盛行律宗尋廢葛太常吧瞻恢復初延升

庵嗣南兩師相繼住持次延持平三宜三師

水最後請石兩禪師主之皆有德風

山勢巍峩山路橫寺前佳勝假天成龍潭噴瀑飛千丈魚石傳音響四坪鸚鵡偷桃盤谷出龜王獻雉石關行奇峯古洞樓高納澗石巖松易得名

蝦蟆塘

在西溪之西北古塘畝口其甍水利灌溉田畝一畝禾居無失業者

蟹球蝦甍民利寬家殷戶富各心歡雲山樵子擔明月烟水漁翁把釣竿畝畝力耕三伏汗燈窗勤讀五更寒漁樵耕讀皆安業寫作丹青四幅觀

黃山松逕

西溪百詠卷下

三

黃在西溪之南卽黃山大路或云橫山按宋集更寒齋皆云黃山今且仍舊引路皆松兩邊青山斷續綠竹森靄往來士客皆生下築之想十里青山九里松野花撩亂水溶溶幾家爨起烟光遠一路涼生樹影重山寺入雲何處磬草亭臨澗隔村春行來疑與天台近想在前頭第幾峯

白蕩灘

在西溪西北有大小灘大灘居南小灘居北大魚下約數里魚蝦至廣居民多以捕魚爲業水惟山燒蕩芰荷岸則楓柳蘆花蘋葉宕碎波光故溪民

常以畫船載酒三灘遊樂
南北分流共急湍白蘋紅蓼滿汀寒漁舟載月橫斜
葦酒舫尋春大小灘入夏荷花香拂水經秋楓葉錦
揚瀾溪遊村樂彈丸地莫作西湖十里看

大青嶺

在西溪之南過嶺人家山田石澗逕竹巖松
大青嶺上白雲屯嶺下烟霞接梵村草舍哺雞畱筍
母竹林思鳳養桐孫坐聽水碓餘千響遠望江湖露
一痕幾片征帆隨月動遙遙天際出龍門

西溪百詠卷下

古

朱橋

在西溪之南錢塘江水進浦至葉婆橋而止
大青嶺江南之貨必從此登岸入西溪市
江湖不畏海門遙進浦雲生第二橋乍入松濤旋作
雨忽翻竹浪又爲潮遠來貨物舟人識初到商人店
主招夜泊客燈漁火伴月明沙岸草蕭蕭

永樂禪庵

在土埠深山森羅塢表宋建炎間性宗講師
大開法席塑丈六彌陀像并西方勝境紹興
中有梵僧阿利真經西來隱此得道

爲惜羣生夢未醒繪圖設像指心靈東林慧遠重聞
講西域摩騰又進經壁湧雲霞毫相紫池容碧靛品
蓮青晨鐘夕梵傳山谷雨順風調一境甯

浩然院

在上埠深山森羅塢內紹興中處士王浩然
資隱此不仕院因人名鄰於永樂庵與阿利眞
樂洽金游今俱廢萬厯間洪中丞清遠公延雲棲悅
叟森羅心禪師重建及詢古誌知是永樂庵基乃五
代梁眞明年開山趙宋中興又開基得大佛
指髻卽復永樂庵額浩然院初誤題耳其法

西溪百詠卷下

五

嗣圓照法源朗雲皆有德風能繼師志其志
哲人云隱卜山靈十二峯藏深更青棋布石盤無欠
礎森羅古樹有餘馨誅茅誤訪浩然跡剝薜欣看永
樂銘金指翠螺猶沒草披蓁還覓負來經

資巖寺水閣

資巖寺在西溪之南寺西有橋二橋下皆蓮
池花蓮花中建水閣僧棲其內有九品淨生之

意不特納涼而已也

駕水開軒類短篷聖凡共載藕航同一泓凝碧照心
鏡兩帶斜梁飲澗虹綠竹簷前飛翠雨紅蕖閣下起

香風分明住此蓮花界何用西生九品中

寶壽寺

在上埠山深之處地名棠嶺橋其寺最踞高阜路近閑林李唐初勅光孝寺至趙宋石田熏禪師重開山更名寶壽正德元年無盡和尚復興萬厯間元津講主寄浮禪者相繼住持崇禎初雲門石雨禪師重開古塔中興茲寺主張宗門

絕壑窮巖一逕通龍盤虎伏隱禪宮雲山迢遞蒼冥外古樹葱蘢杳靄中棠嶺月臨桐井靜閑林鐘送竹

西溪百詠卷下

十六

樓空石田遇雨重開塔豎拂揚眉振祖風

悟空寺

在西溪之南桐塢之表唐貞觀間明尊者開山於龍門之峯故曰龍門悟空寺中興茲寺得悟空明獨隱耕種梧漫野塢因名曰臨松色半窗冷月曬桐陰滿路清折腳沙鐺煨楮斷經繩榻坐虛盈十年密行叢林盛法雨能教草木榮

錢村妙淨寺

在悟空寺南地名錢村或曰前村蕭梁時神僧寶誌公分應于此至宋元祐中投子青禪

師重開山賜額曰明陽寺後建炎四年更名
妙淨洪武六年太古義禪師重建天啟間寺
中有心融法師善詩文喜山水不欲住持退
隱竹谷寺左六松成林中有江道闡江邦玉
兩高士隱居六松成林和韻五字之說業官續
神僧分應一方身梵刹興衰千載新妙淨欣逢五柳
近前村喜與六松鄰潭清好潔秋畱月樹老離奇花
間春自古青山難得主寺中今有住山人齒空空將
兜率院西溪百詠卷下

在西溪西南妙淨寺後是一默禪師棲泊處

西溪百詠卷下

七

公亦宗門得旨者歸隱于此題輒補對出處
碧巖翠嶼萬琅玕南老禪棲竹榻寒問鳥單啼這裏
是尋花都向別峯看提珠粒粒彈三指叩齒空空執
兩端莫怪頻拈竹篋子從來箇事得人難去韻齊林

橫山草堂

長秋錄異真年蓮蓬過第類類類類類類

在妙淨寺東六松林畔卽江氏之別業有醉
山閣擁書樓有竹浪居藏山舫有亭有橋有
泉有石爲景不一皆位置天巧當世名公鉅

卿題詠成集

平太古詩集賦補重製天類類類

六松引逕入桃源潭有潛龍洞有猿就水結亭花近

檻依山構閣竹臨軒望江移榻棲霞嶺看月因梅倚
雪垣處處化工先位置不須開鑿得名園

金蓮池

在上埠山深處顯教寺殿前有金蓮池其花
色黃如金其葉圓小如錢

古殿丹墀蓄翠泉朱欄四遶衛金蓮花開朵朵三黃
蓋葉散文文萬選錢菱藻亂縈空裏鏡魚蝦交戲水
中天閒僧坐卧華池上信是人間地行仙

光明寺

在西溪之南黃山深處唐顯慶元年有善導

西溪百詠卷下

六

和尚念佛一聲一光從口中出故勅建寺又
貞觀間明尊者嘗見此山寶光繚繞故重建
光明寺崇禎改元江雲叟復古中興延雪航
禪師主之金陵俞中丞集生又建光明臺于
寺右臺左有顧徵君霖調方孝廉子凡蟬聯
隱此

源澤三生今又來靈巖樓閣始重開不迎趙主禪師
榻再放光明居士臺秋月競華舒彩暈晚霞含露映
莓苔到今臺相尋常現招引林泉集俊才

鑿翠軒

在西溪之東法華山下乃姚江孫公樹之隱
居公賦性簡僻嗜茶喜梅隱此二十餘載不
與人接每值花時雨後獨往尋梅間水餘時
惟閉戶著書

翠竹林中鑿一方綠香深處隱山房雲生石凡花生
筆月滿蘿軒書滿牀就澗煮茶便陸嗜因梅卧雪續
林芳杜門不應人間事著易刪詩滋味長
別天居

在安樂山下永興湖上蘭陵高士陸元見隱
西溪百詠卷下

五

此舊有古梅三百蔽籬落間近徙逕就梅移
籬放樹引流遶閣種石依泉爲茲山選勝處
公有統梅堂記西溪風俗詩可作梅竹茶筍
古梅三百聚君家統領西溪十里花徙逕非緣綠萼
近移籬未許老松遡雨溪引入泉香曲芟樹迎來峯
色佳別有天居塵世外漁郎何處泛仙槎

放山臺

在永興西當湖馮茂遠居士著易羨處居士
訪余溪巢喜兩朽松肌膚若霜雪遂僑居焉

舊有大士閣三面皆山當窗闥如廼穿屋立
木卧扉託足顏曰放山快此日放山到眼也
一日三登百尺臺凭欄四顧萬峯來雲間塔影松稍
出霞外湖光屋角迴月窟天香先入座山南秋色正
宜杯普門大士圓通閣也喜看山四牖開

由庵

在西溪東南青芝塢內孤峯峭壁間萬厯初
武塘覺緣師結庵隱此公爲人清勁自許絕
不干世潛住有年忽喜船居去棹不返山居
閒寂久無主人蛛絲蓬戶螺贏繩牀崇禎間

西溪百詠卷下

三

影庵似眉禪者向慕覺公爲人移錫駐此眉
公得法于天童亦是折腳鐺邊煨榾柮漢有
影集散語行世

船子求鱗烟水去巖頭覓侶霧山來茅齋再啟披蛛
網松逕重行薤草萊勁骨共憐孤峭壁冷心相伴古
寒梅不知世上春頻換翻怪巖花幾度開

隆慶寺

在西溪西北同光山山下後唐莊宗時逕山國

一欽禪師中興緣畢全身葬于寺右釣臺上
寺前有鉢盂峯獅踞石政黃牛亦曾居此萬

麻間黃學憲貞父吉楊郭陵寫新安曹白生
恢復延龍歸無用師主之未幾師遷化建塔
于牛背嶺側崇禎間初窮子請石車次忍先
延惟一兩禪師繼振祖風其忍先身子柴也
俱退居龍歸緒其舊業

跌坐垂綸五百春到今始釣赤金鱗昔乘牛背化雲
嶺猶喜獅兒踞石磷谷口不聞流葉語源頭誰問住
山因何年衣鉢畱峯頂自此相傳代有人

福勝庵八詠

九沙松

西溪百詠卷下

三

溪翻九隴沙沙浪遶吾家嵐布翠雲斷月生青靄斜
歲寒偏逞秀春暖亦能花樹樹臨流水陰森滿壑遮
雙澗

泉自中峯落透迤迤屋角行澗分雙鏡狹韻合一琴清
夜似秋風至潮疑春水生常吟憐我獨誰謂是無情

安樂山朝嵐

嵐埋安樂巖畫出米家屏山腹半抽白峯尖全寫青
溪流隨斷續木葉入滄溟曉日浴初出光凝雪浪形

溪月

月明溪色動孤棹入雲深泛似青天上還疑皓魄沈

水空開隱思光漾見人心煙際漁歌發蘆花何處尋
香雪徑

閒行花散袖三徑雪光迴冷艷逐雲過寒香流水來
入林憐竹樹點石飾莓苔綠萼意何晚肯隨桃杏開
四顧坪

清晨登絕頂四望眾山齊水遠練光細崖高月影低
征帆過樹沒飛鳥入雲迷臺石平堪卧誅茅可獨棲

古松

古松當戶立自喜得鄰難屈鐵卧龍老蟠枝巢鶴寒
羣峯讓冷秀眾木愧秋殘形止十圍大濤翻江海寬

西溪百詠卷下

三

遠籬萬竹

友多君子竹濟濟列門墻入水碧光淨篩窗清影長
風吟虛佩響翠滴野花香勝境閒心合安然世可忘

曲水庵八詠

法華秋霽

秋山初雨霽新展畫圖清樹點峯痕碧嵐描石竇明
皎空草木辨寒削水平獨怪人如鳥微微嶺半行

佛慧晚鐘

山寺晚鐘動聲聲都到樓兼風音自大入夜韻偏幽
霞落溪光冷雲迷塔影浮飛鴻叫月出添得滿空秋

北峯起雲

峯頂白雲起雲起峯岩巖乍疑半嶺雪翻作滿山潮
影漏日光澹氣蒸天漢遙夜飛溪上宿化雨滴芭蕉

西溪梅墅

十里梅花放門前水亦香溪山皆逞艷草木盡成妝
檢點壽陽額參差水部墻一枝臨小閣勁骨對寒芳

蒹葭泛月

泛泛蒹葭月行行翠碧乘波分千片玉光碎幾層冰
心與境俱化見將聞共澄隨流不撥棹一似折蘆僧

河水漁歌

漁人不相問隔水辨歌音菱葉一聲綠蘆花幾調深
自垂溪上釣久冷世間心小艇番風去蒼茫何處尋

竹林問渡

不設竹林渡那堪頻問津路繇烟渚隔春到水村新
覓侶清冷境傳心寂寞濱一從船子去此後竟何人

生池飼魚

涸魚逃鼎難聊借一池生投餌吞無畏窺人戲有情
臨陽翻藻色趁雨濯鱗英莫道偏慈惠應傳仁術名

西溪百詠舊序

吾友徐廷用者一日過予書館曰昨於杭之舊識處
偶得西溪百詠詢之乃宋朝吾鄉前輩之所作也奈
何藏之歲久失其前序竟不知何姓氏人也及觀其
注識立題誠所謂好事之君子也殆味其詩意惜乎
但規於事實頗反過乎華飾蓋出於性情之所發也
或曰夫如是恐識者觀之不免有所議哉不然子之
言過矣豈不聞語曰飽食終日無所用心在聖人猶
賢於博奕斯與博奕大有徑庭子安敢以非其不工
也哉故子與廷用深許其人也今區區不揣菲薄又

西溪百詠卷下

三

極赧於前人將欲步其韻而效顰如左焉尙冀後之
覽者在恕其狂僭而幸無誚焉者亦有望也天順庚
辰歲暮春日西溪後學周謨謹識

聖朝畱下

道院安前

三橋柳陌

兩岸花街

福清竹院

安樂松軒

潮音桂子

福勝梅花

沙灘牧野

草蕩漁汀

法華早梅

資壽秋雪

淇堂初夏

河渚新秋

正等交蘆

雪樓曲水

嶺半石人

峯腰金竹

龍歸古像

上乘藏函

湧山漱雪

幽澗堆雲

東觀湖嶺

南望江山

梵天山院

水月田莊

清溪道院

夕照茅庵

迢遙曲澗 坦蕩平湖 東西穆塢 上下唐村

將臺鍾乳 輦路林香 石廟古松 金橋垂柳

五方分福 二境普甯 趙山一寺 方圃三園

朱得仙橋 章歸神術 東法華泉 北高峯塔

五嶽行宮 泗洲退院 桃源雲嶺 梅花雪泉

佛慧講筵 報先懺室 永興禪寺 長慶道堂

安樂山橋 自然埜屋 靈慈正廟 忠義中橋

龜拖尾嶺 虎頭頭山 菩提泉石 永福園林

朱家陡門 董公水堰 施茶涼屋 禁酒界碑

陶家廂圃 楊府圩田 起菩薩庵 趙太師墓

西溪百詠卷下

三

鳳嘴山頭 雞籠河口 春雪山庵 夏侯墳所

象卧西山 龍歸東塢 草窗隱居 象山寓目

大崇真寺 小福清庵 翠峯小朶 冷水奇泉

馬池綠水 牛滑青山 下關水柵 上埠山溪

龍門龍洞 蝦埭蝦兜 黃山松逕 白蕩花灘

青嶺霞村 朱橋雲浦 永樂禪庵 浩然道院

資巖水閣 保壽山居 桐塢悟空 錢村妙淨

萬竹禪棲 六松隱逸 顯教金蓮 光明寶刹

舊題四字板對俚俗今改舊詩俱不錄僅存舊

序舊題以便稽攷

先世瑩墓在柏家園春秋展祭必經西溪嘗以吳藥
師西谿梵隱志吳雨桐梵隱續志及華秋岳程松門
繪樊榭西谿卜居兩圖奚鐵生高邁庵戴文節諸畫
卷蘇厚子書樊榭詩卷藏之交蘆庵今與橫山遊記
南漳子同付劄刷溪光嵐影足以輝映汗青矣
光緒庚辰重九節丁丙識於雷下丙舍

西溪百詠後跋

一

武蘇與吳重九節卜居兩圖奚鐵生高邁庵戴文節諸畫
南漳子同付劄刷溪光嵐影足以輝映汗青矣
卷蘆庵今與橫山遊記
蘇樊榭西谿卜居兩圖奚鐵生高邁庵戴文節諸畫
湖西谿梵隱志吳雨桐梵隱續志及華秋岳程松門
狀對瑩墓在柏家園春秋展祭必經西溪嘗以吳藥



07187



